

Gielddaráđđehus

Áigi	24.02.2026 dmu 15:00 - 17:25	
Báiki	Hybridačoahkkinn, gielddadálu váldostivrasále dahje teams-heivehus	
Gieđahallon áššit		
§	Bajilčála	Siidu
§ 22	Čoahkkima lágalašvuohta ja mearridanváldi	3
§ 23	Beavdegirjji dárkkisteaddjiid válljen	4
§ 24	Bargoortnega dohkkeheapmi	5
§ 25	Dili birra oanehaččat	6
§ 26	Ruhtadili birra oanehaččat	7
§ 27	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	8
§ 28	Ovddidanhoavdda virggi deavdin	9
§ 29	Nammadanbivdda suopmelaš lahtuid nammadeapmi suopmelaš-norgalaš rádječázádatkommišuvdnii badjái 2026-2029	11
§ 30	Ovddasteaddji nammadeapmi Davvi-Lappi guovloovttasbarggu gieldaovttastumi dárkkistanlávdegoddái jagiide 2025-2029	12
§ 31	Doaibmaorgánaid mearrádusat	13
§ 32	Áššit diehtun	14
§ 33	Čálalaš váruhus virgehálldašeaddjái	15
§ 34	Doaibmabijut Ohcejohnjálmmi skuvlla bargovuoigŋa buorideapmin	16
§ 35	Lassemearreruhta Ohcejoga vuojođanhálla sávnni, basadanlanja ja gárvodanlanja saneremii	22
§ 36	Teknihkalaš doaimma bušeahttaárvalusnuppástus jahkái 2026	24
§ 37	Sámegielaide gáiddusoahpahusprošeakta 2025-2027	26
§ 38	Lihkadanrávven 2026	28
§ 39	Áššedovdilahttovuohta Tornionlaakson neuvosto (sá. Duortnusleagi ráđđi) prošeavttas, mii guoská rájaid rastá johtima	30
§ 40	Lohpe- ja gohcindoaimmahaga nammadanbivdda, Lappi bázašuoŋa ovtasbargojoavkku lahttu ja várrelahttu	31
§ 41	Gáregasnjárgga skuvlla nammadeapmi Ándaras Kitti skuvlan	32

Oasseváldit

	Namma	Doaibma	Lassedieđut
Mielde	Tieva-Niittyvuopio Vuokko	ságadoalli	
	Moilanen Mateusz	várreságadoalli	
	Tapiola Sari	lahttu	
	Hekkanen Eemeli	lahttu	
	Länsman Vesa	lahttu	
	Rasmussen Riikka	lahttu	
	Kontio Oskari	várrelahttu	
	Aikio Mika	váldostivrra ságadoalli	
	Guttorm Väinö	váldostivrra I	
		várreságadoalli	
	Nordberg Aulis	váldostivrra II	
		várreságadoalli	
Eret	Länsman Lávra		
	Niittyvuopio-Valle Laura		
	Kontinen Pirjo		
	Länsman Nilla-Pekka		
	Lukkari Sammol		
	Guttorm Urho		
	Heikurainen Laura		
Eará	Kontio Päivi	gielddahoavda	
	Länsman Marja	beavdegirjedoalli	
	Orti-Berg Riitta	tulka	

Vuolláičállosat

	Vuokko Tieva-Niittyvuopio ságadoalli	Marja Länsman beavdegirjedoalli
--	---	------------------------------------

Gieđahallon áššit 22 - 41

Beavdegirjji dárkkisteapmi Ohcejogas 24.2.2026

Vesa Länsman beavdegirjedárkkisteaddji	Eemeli Hekkanen beavdegirjedárkkisteaddji
---	--

Beavdegirji dollojuvvo albmosis

Gielddadállu, guovddášdoaimmahat 03.03.2026

Minna Lukkari
almmuhantávvala dikšu

Gielddaráđdehus

§ 22

24.02.2026

Čoahkkima lágalašvuohta ja mearridanváldi

Gr 24.02.2026 § 22

Mearrádusevttohus Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus Gávnnahuvvui, ahte čoahkkin lea lágalaččat čoahkkái bovdejuvvon ja mearridanválddálaš.

Gielddaráđdehus

§ 23

24.02.2026

Beavdegirji dárkkisteaddjiid válljen

Gr 24.02.2026 § 23

Mearrádusevttohus

Válljet čoahkkimii guokte beavdegirjedárkkisteaddji.

Mearrádus

Beavdegirjedárkkisteaddjin válljejuvvuiga Vesa Länsman ja Eemeli Hekkanen.

Gielddaráđdehus

§ 24

24.02.2026

Čoahkkima bargoortnega dohkkeheapmi

Gr 24.02.2026 § 24

Mearrádusevttohus

Gielddaráđdehus dohkkeha áššiid gieđahallanortnega čoahkkima áššelisttu mielde.

Mearrádus

Ságadoalli evttohii, ahte lasseáššin gieđahallojit Čálalaš váruhus virgehálldašeaddjái, Doaibmabijut Ohcejohnjálmmi skuvlla bargovuoiŋŋa buorideapmin, Lassemearreruhta Ohcejoga vuojadanhálla sávnni, basadanlanja ja gárvodanlanja saneremii, Teknihkalaš doaimma bušeahttaárvalusnuppástus jahkái 2026, Sámegielaid gáiddusoahpahusprošeakta 2025-2027, Lihkadanrávven 2026, Áššedovdilahttovuohta Tornionlaakson neuvosto (sá. Duortnusleagi ráđđi) prošeavttas, mii guoská rájaid rastá johtima, Lohpe- ja gohcindoaimmahaga nammadanbivdda - Lappi bázašusfuolahusa ovttasbargojoavkku lahttu ja várrelahttu sihke Gáregasnjárgga skuvlla nammadeapmi Ándaras Kitti skuvlan.

Gieđahallanortnet dohkkehuvvui áššelisttu mielde ja dasa lasihuvvojedje lasseáššit ságadoalli evttohusa mielde.

Gielddaráđdehus

§ 25

24.02.2026

Dili birra oanehaččat

Gr 24.02.2026 § 25

Gielddahoavda muitala áigeguovdilis áššiid birra oanehaččat

Mearrádusevttohus

Merkejuvvojit diehtun.

Mearrádus

Gielddahoavda muitalii áigeguovdilis áššiid birra oanehaččat:

- vuojadanhálla sávnni, basadanlanja ja gárvodanlanja vuodđodivodeapmi
- dearvvasvuodaguovddáža ortnetraporta
- Helssega ovdduidgohcinmátki

Merkejuvvojedje diehtun.

Merkejuvvui beavdegirjái, ahte váldostivrra II várreságadoalli Aulis Nordberg bođii čoahkkimii dmu 15.15.

Gielddaráđdehus

§ 26

24.02.2026

Ruhtadili birra oanehaččat

Gr 24.02.2026 § 26

Mearrádusevttohus Guldalit oanehaččat ruhtadili.

Mearrádus

Merkejuvvui diehtun.

Gielddaráđdehus

§ 27

24.02.2026

**Gávpenannejeaddji giddodatluohpadanalmmuhusat ja gielda
ovdaoastinvuoigatvuoda geavaheapmi**

Gr 24.02.2026 § 27

Gildii leat bohtán 5 st gávpenannejeaddji
giddodatluohpadanalmmuhusa, listu
giddodatluohpadanalmmuhusain lea lassemateriálan.
Giddodatluohpadanalmmuhusat leat oaidninláhka čeahkkimis.

Ovdaoastinlága mielde ovdaoastinvuoigatvuoda geavahettiin
mearrádussii ožžot oasti ja vuovdi ohcat nuppástusa ja váidit
hálddahasriektái.

Gielda mearrádussii leat geavatkeahtá
ovdaoastinvuoigatvuoda ii oaččo ohcat nuppástusa váidimiin.

Mearrádusevttohus

Gielddaráđdehus merke diehtun gávpenannejeaddjiid
giddodatluohpadanalmmuhusaid ja mearrida, ahte gielda ii
geavat ovdaoastinvuoigatvuoda báikkiide, mat gullet gávpái.

Mearrádus

Evttohus dohkkehuvvui.

Gielddaráđđehus
Gielddaráđđehus

§ 9
§ 28

28.01.2026
24.02.2026

Ovddidanhoavdda virggi deavdin

Gr 28.01.2026 § 9

Gielddaráđđehus almmuhii ovddidanhoavdda virggi ohcanláhkai 2.12.2025 § 221. Ohcanalmmuhus biddjui gieldda www-siiddleide, Inarilaš-bláđđái ja Kuntrarekry ja Mol.fi bálvalusaide.

Virggi ohcanáigi nogai 11.1.2026. Kuntarekry.fi -bálvalusa bokte bohte mearreáiggis 17 ohcamuša. Lassin 1 ohcamuš doaimmahuvvui šleađgapoasttain.

Ohcanalmmuhus ja ohcanáššegirjjiid kopijjat leat lassemateriálan. Álgoálgosaš ohcamušáššegirjjit leat oaidnin láhkai čoahkkimis.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida guđemuš ohcciid bovde jearahallamii. Gielddaráđđehus doallá jearahallamiid 4.-5.2.2026, ja daidda bovdejuvvojit maiddái áirasat mielde. Gielddaráđđehus addá gielddahovdii vuoigatvuođa soahpat jearahallamiid geavattlaš ordnemiid birra ovtas jearahallamii bovdejuvvon olbmuiquin.

Mearrádus Gielddaráđđehus mearridii ahte jearahallamiidda bovdejuvvojit Salla Niemelä, Outi Pasanen, Veli-Matti Ruotsalainen, Mirja Savolainen, Reija Viinanen, Petri Honkanen ja Matti Yrjänä. Evttohus dohkkehuvvui muđuid.

Gr 24.02.2026 § 28
175/01.01.00.01/2025

Gielddaráđđehus jearahalai bovdejuvvon ohcciid 4.-5.2.2026. Maiddái áirasiin lei vejolašvuohta searvat jearahallamiidda.

Ohcanalmmuhus ja ohcanáššegirjjiid kopijjat leat lassemateriálan. Álgoálgosaš ohcamušáššegirjjit leat oaidninláhkai čoahkkimis.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus evttoha váldostivrii olbmo, guhte välljejuvvo ovddidanhoavdda virgái.

Mearrádus Gielddaráđđehus mearridii evttohit váldostivrii, ahte ovddidanhoavdda virgái välljejuvvo Veli-Matti Ruotsalainen.

Gielddaráđđehus

§ 29

24.02.2026

Nammadanbivdda suomelaš lahtuid nammadeapmi suomelaš-norgalaš rádječázadatkommišuvdnii badjái 2026-2029

Gr 24.02.2026 § 29
13/00.04.00/2026

Suomelaš-norgalaš rádječázadatkommišuvnna dálá lahtuid doaibmabadji nogai 31.12.2025. Birasministeriija válmmastallá rádječázadatsoahpamuša artihkal 3 mielde Suoma lahtuid nammadeamis kommišuvnna doaibmabadjái, mii álgá 1.1.2026 ja nohká 31.12.2029.

Rádječázadatsoahpamuša 3 artihkkala mielde guktuid soahpamušbeliid ráđđehus nammada rádječázadatkommišuvdnii golbma lahtu, main ovttas galgá leat hárlánupmi čáhcehálddašeami suorggi ja okta rádjeguovllu diliid bures dovdi olmmoš, guhte mearriduvvo go eallinfápmoguovddáš lea evttohan lahtu. Juohke lahttui mearriduvvo seammaláhkai seamma ortnegis okta dahje moadde várreolbmo.

Birasministeriija bivdá, ahte Lappi eallinfápmoguovddáš, Ohcejoga giella ja Anára giella evttohit suomelaš-norgalaš rádječázadatkommišuvdnii badjái 2026- 2029 golbma rádjeguovllu diliid bures dovdi olbmo ja sidjiide várreolbmuid. Evttohusain galgá váldit vuhtii dásseárvolága (609/1986) gáibádusaid ja sámiiid ovddastusa. Evttohusaid bivdit dahkat manimustá 28.2.2026.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dahká evttohusa Ohcejoga gieldda lahtus ja su várreolbmos rádječázadatkommišuvdnii badjái 2026-2029.

Mearrádus

Vuokko Tieva-Niittyvuopio evttohii, ahte Mika Aikio välljejuvvo lahttun suomelaš-norgalaš rádječázadatkommišuvdnii. Evttohus dohkkehuvvui ovtamielalaččat.

Mateusz Moilanen evttohii, ahte Vesa Länsman välljejuvvo várrelahttun suomelaš-norgalaš rádječázadatkommišuvdnii. Evttohus dohkkehuvvui ovtamielalaččat.

Gielddaráđdehus

§ 30

24.02.2026

Ovddasteaddji válljen Davvi-Lappi guovloovttasbarggu gieldaovttastumi dárkkistanlávdegoddái jagiide 2025-2029

Gr 24.02.2026 § 30
111/00.04.01/2025

Davvi-Lappi guovloovttasbarggu gieldaovttastumi vuodđosoahpamuša 5 § mielde juohke lahttogielda nammada ovttastumi ovddasteaddji ja sutnje ovttastumi persovnnalaš várreovddasteaddji dárkkistanlávdegoddái.

Doaibmaorgánaid válljejuumiin galgá váldit vuhtii nissonolbmuid ja almmáiolbmuid dásseárvvus addojuvvon lága (609/1986) njuolggadusaid.

Áššemeannudeaddji Gielddahoavda Kontio Päivi

Mearrádusevttohus Gielddaráđdehus evttoha váldostivrii, ahte dat nammada ovttastumi ovddasteaddji ja sutnje ovttastumi persovnnalaš várreovddasteaddji Davvi-Lappi guovloovttasbarggu gieldaovttastumi dárkkistanlávdegoddái jagiide 2025-2029.

Mearrádus Evttohus dohkkehuvvui.

Gielddaráđdehus

§ 31

24.02.2026

Doaibmaorgánaid mearrádusat

Gr 24.02.2026 § 31

Lávdegottiid beavdegirjiit galget doaimmahuvvot gielddahovdii njealji beaivvi geažes beavdegirjji dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálddašeaddji mearrádusaide. Váldinmearrádusa sáhtta dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit maŋimustá njulgengáibádusáiggi siste. Geavatlaččat gielddahoavda dárkkista lávdegottiid mearrádusaid. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjiit diehtun ja seammás mearriduvvo, ahte váldinvuoigatvuohta ii geavahuvvo beavdegirjiid sisdollui gullelaš áššiin. Beavdegirjiid kopijiat eai laktojuvvo gielddaráđdehusa beavdegirjai, muhto dat galget leat lahtuid geavahusas gielddaráđdehusa čoahkkimiin.

Čuovvovaš doaibmaorgánaid beavdegirjiit leat oaidnin láhkai čoahkkinbáikkis: Ovddidan- ja biraslávdegoddi 18.2.2026 ja Čuvgehuslávdegoddi 19.2.2026.

Mearrádusevttohus

Gielddaráđdehus merke diehtun doaibmaorgánaid mearrádusaid ja gávnaha, ahte GieldaL 51 § váldinvuoigatvuohta ii leat geavahuvvon.

Mearrádus

Evttohus dohkkehuvvui.

Gielddaráđđehus

§ 32

24.02.2026

Áššit diehtun

Gr 24.02.2026 § 32

Mearrádusevttohus Gielddaráđđehus merke diehtun čuovvovaš áššebáhpáriid:

Lappi buresveadjinguovlu - Guovllustivrra čoahkkindieđáhus 26.1.2026

- Davvi-Suoma buresveadjinguovlluid jođihangoddi ohcá
čovdosiid fievrredanbálvalusaid váttisvuođaide

- Seangaossodatfierpmádat geahpedeapmi muttuid mieldes –
Avvilis livččii boahhteáiggisge doavttermálašvuohta

Mearrádus

Merkejuvvojedje diehtun.

Gielddaráđdehus

§ 33

24.02.2026

Čálalaš váruhus virgehálddašeaddjái

Gr 24.02.2026 § 33
16/01.04.02.02/2026

Ohcejoga gielda lea bargoaddin ožžon Ohcejohnjálmmi skuvlla bargiin almmuhusaid, mat gusket skuvlla rektorin bargi virgehálddašeaddji eahpeáššálaš láhttema ja guovddáš virgebargguid ja ovddasvástádusaid healbademiid. Suorggi ámmátsearvi lea doaimmahan Bargoaddái čállosa dán birra.

Bargodorrvolašvuodálaga 28 §:s ásaheavvo, ahte jos barggus bohtá ovdan bargái čuohcci su dearvvašvuhtii hehttehusa dahje váralašvuoda dagahahtti headušteapmi dahje eará eahpeáššálaš meannudeami, bargoaddi galgá álgit doaimmaide dan loahpaheapmin resurssaiguin mat leat geavahusas, go lea ožžon dieđu áššis.

Ášši lea gieđahallon iešguđet oassebeliid gullamiin ja áššeosolaččaide lea addojuvvon vejolašvuotta dievasmahttit ja dárkkálmahttit dáhpáhusaid.

Siidomateriála:

- Bovdehus gullandilálašvuhtii mildosiiguin (suollemassan oaivvilduvvon, láhka eiseválddi doaimma almmolašvuodas 621/1999 24 § 1 mom. 25 k., 30 k.)
- Beavdegirji gullandilálašvuodas mildosiiguin (suollemassan oaivvilduvvon, láhka eiseválddi doaimma almmolašvuodas 621/1999 24 § 1 mom. 25 k., 30 k.)
- Virgehálddašeaddji čálalaš lassegullama vástádusat (suollemassan oaivvilduvvon, láhka eiseválddi doaimma almmolašvuodas 621/1999 24 § 1 mom. 25 k., 30 k.)
- Spesifiserejuvvon ákkastallamat (suollemassan oaivvilduvvon, láhka eiseválddi doaimma almmolašvuodas 621/1999 24 § 1 mom. 25 k., 30 k.)

Áššemeannudeaddji Gielddahoavda Kontio Päivi

Mearrádusevttohus Gielddaráđdehus mearrida, ahte Bargoaddi addá Virgehálddašeaddjái čálalaš váruhusa eahpeáššálaš láhttema ja guovddáš virgebargguid ja ovddasvástádusaid healbadeami dihtii.

Gielddaráđdehus mearrida, ahte Bargoaddi addá lassin Virgehálddašeaddjái eará čálalaš rávvagiid.

Dát mearrádus addo persovnnalaččat diehtun Virgehálddašeaddjái.

Mearrádus Riikka Rasmussen almmuhii iežas leat easttalaš ášši gieđahallamii ja geassádii čoahkkimis ášši gieđahallama boddii.

Gielddaráđdehus

§ 33

24.02.2026

Evttohus dohkkehuvvui.

Doaibmabijut Ohcejohnjálmmi skuvlla bargovuoigŋa buorideapmin

Gr 24.02.2026 § 34
23/01.04.02.02/2026

Duogáš

Ohcejoga gielda bargoaddin ("Bargoaddi") lea ožžon dieđu ahte Ohcejohnjálmmi skuvllas ("Skuvla") lea váttēs bargovuoigŋa. Skuvllas lea bargodearvvasvuodápsykologa doaimmas dahkkon bargobáikečielggadeapmi golgotmánus 2025. Čielggadanraporttas gávnnaht earet eará ahte bargoaddi galgá dalán álgit bargat ee. eahpeáššálaš meannudeami dustema ovdii bargobákkis, ja ávžžuhuvvo ahte ovttadaga hoavda ja bargoaddi ovttasráđiid barget čielga ja systemáhtalaš plána bargoservoša bargoburesveadjima buorideapmin. Oahpahussuorggi ámmátsearvvi Ohcejoga báikkálašsearvvi hálldahus lea almmuhat Bargoaddái 11.12.2025 beaiváduvvon čállosa, mas dat earet eará ovdanbuktá fuolas Skuvlla bargiid bargoburesveadjimis.

Bargovuoigŋa ja dáhpáhusaid leat čielggadan Bargoaddi beales Skuvlla bargiiguin.

Váttēs bargovuoigŋa lea ožžon áigái Skuvllas fuolastuhtti ja gierdemeahttun dili. Bargoaddi oaidnu lea, ahte ášši hárrái galgá álgit stuorat ja/dahje struktuvrralaš doaimmaide Skuvlla bargovuoigŋa ja buot bargiid bargoburesveadjima buorideapmin.

Njuolggadusat mat heivehuvvojit

Bargodorrvolašvuodálága 28 § mielde jos barggus boahtá ovdan bargái čuohcci su dearvvasvuhtti hehttehusa dahje váralašvuoda dagahahtti heađušteapmi dahje eará eahpeáššálaš meannudeami, bargoaddi galgá álgit doaimmaide dan loahpaheapmin resurssaiguin mat leat geavahas, go lea ožžon dieđu áššis.

Ohcejoga gieldda hálldahusnjuolggadusa 24 § "*Čuvgehuslávdegotti barggut ja doaibmanváldi*" mielde:

"Lávdegoddi mearrida dáin áššiin, mat gullet dan doaibmasuorgái:

- 1. vuodđooahpahuslága mielde ovda- ja vuodđooahpahus*
- 2. vuodđooahpahuslága mielde skuvlamánáid iđit- ja eahketbeaidoaimmat*
- 3. logahatlága mielde logahatskuvlejupmi ja eará nuppi dási skuvlejupmi [--]."*

Doaibmabijut, madda Bargoaddi álgá bargovuoigŋa buorideapmin

Oahpahussuorggi ámmátsearvvi Ohcejoga báikkálašsearvvi hálldahus lea almmuhat Bargoaddái 11.12.2025 beaiváduvvon čállosa, mas dat earret eará ovdanbuktá fuolas Skuvlla bargiid bargoburesveadjimis. Čálus lea čujuhuvvon namalassii gielddaráđđehussii, man dihtii gielddaráđđehus lea váldán ášši oppalaš čielggadeapmái.

Ohcejoga gieldda hálldahusnjuolggadusa 24 § vuođul ovda- ja vuođđooahpahusa, idit- ja eahketbeaidoaimma ja logahatskuvlejumi barggut gullet čuvgehuslávdegotti doaibmasuorgái ja dan bargguide ja doaibmaváldái, man dihtii Ohcejohnjálmmi skuvlla áššit eai vuosttassajis gula gielddaráđđehusa bargguide ja doaibmanváldái. Dán dihtii gielddaráđđehus bivdá, ahte čuvgehuslávdegoddi álgá dán doaibmat dán mearrádusa mielde gielddaráđđehusa čielggadeamis ovdanbohtán dieđuid vuođul. Gielddaráđđehus doaimmaha dárbbaslaš lassedieđuid áššis čuvgehuslávdegoddái ja buresveadjinhovdii.

Manjelabbos leat spesifiserejuvvon čielggadeamis ovdanbohtán áššit, maidda gielddaráđđehus oainnu mielde galggašii darvánit.

a) Rávvagiid ráhkadeapmi buohccindieđiheami várás

Gieldasuorggi oppalaš virge- ja bargoeaktosoahpamuša 2025-2028 (“KVTES”) V logu 1 § 1 momeantta mielde virgehálldašeaddjis/bargis lea riekti oažžut virge-/bargolobi (riehti dieđihuvvot buohccin), jus son lea buozalmasvuođa, vátu dahje dáhpedorpmi bokte šaddan bargonávccahisvuođa dihtii eastašuvvan dikšut iežas virggi/barggu.

Seamma njuolggadusa 2 momeantta mielde bargonávccahisvuođas galgá ovdanbuktit dohkálaš doavtterduođaštusa. Bargonávccahisvuođa sáhtta duođaštit maidái eará luohtehahti vugiin eanemustá vihtta beaivve dahje doaibmaválddáláš eiseválddi mearrádusa vuođul guhkit bargonávccahisvuođa dilis, jus buohcuvuođajávkama miediheadji mielas ii leat dárbu erenomáš sivas čájehit doavtterduođaštusa. Njuolggadusa heivehanrávvaga mielde eará luohtehahti vuohki sáhtta leat ovdamearkan dearvvasvuođadivššára, buohccedivššára dahje fysioterapevta duođaštus. Doaibmaválddáláš eiseváldi sáhtta maidái mearridit, ahte áibbas oanehis buohcuvuođajávkamiin ii dárbbas ovddabealde oaivvilduvvon duođaštus, muhto hoavdda lohpi reahkká.

Seamma njuolggadusa 3 momeantta mielde riekti buohcuvuođajávkamii miediuvvo sierra ohcamuša haga doavtterduođaštusas máinnašuvvon dahje eará 2 momeanttas máinnašuvvon vugiin celkojuvvon áigin. Njuolggadusa heivehanrávvaga mielde dábálaččat buohcuvuođajávkkan miediuvvo doavtterduođaštusa dahje eará 2 momeanttas oaivvilduvvon duođaštusa mielde. Doavtterduođaštus dahje eará 2 momeanttas

oaivvilduvvon duođaštus lea lihkká dušše áššedovdi cealkámuš, mas doaibmaválddalaš eiseváldi sáhhtá spiehkkašit ákkastallojuvvon sivas. Jus boahhtá ovdan ahte virgehálddašeaddji/bargi doavtterduođaštusas fuolakeahtta ii leat leamašan bargonávccahis, omd. bargi lea leamašan seammasullasaš barggus seamma áigge, sus ii leat riekti bálkálaš buohcuvuođajávkamii. Virgehálddašeaddji/bargi galgá ovdanbuktit bargoaddái dohkálaš doavtter- dahje eará 2 momeanttas oaivvilduvvon duođaštus bargonávccahisvuođas nu jođánamos lági mielde. Jus doavtterduođaštusa ii ákkastallojuvvon sivas sáhte dohkkehit, bargoaddi sáhhtá iežas ovddasvástádusain sáddet virgehálddašeaddji/bargi dan doaktára dárkkistussii, man vállje.

Priváhtasuojis bargoeallimis addojuvvon lága (759/2004, "bargoeallima diehtosuodjeláhka") 3 § dárbbaslašvuođagáibádusa mielde bargoaddi oažžu gieđahallat dušše njuolga bargogaskavuoda dáfus dárbbaslaš persovdnadieđuid, mat gusket bargogaskavuoda oassebeliid rivttiid ja geatnegasvuođaid dikšuma dahje bargoaddi bargiide fállan ovdduid dahje barggu erenomáš luonddu dihtii.

Gielddaráđđehus eavttuha čuovvovačča:

Bargoaddi ráhkada, beaivida ja dárkkista Skuvlla siskkáldas buozalmasvuođajávkamiid rávvaga vástidit KVTES ja bargoeallima diehtosuodjelága.

Dan lassin Bargoaddi ráhkada ja beaivida buozalmasvuođajávkama áiggi bálkkámáksima rávvaga. Dát ráva sáhhtá leat mielde b) čuoggá rávvagiin.

b) Bálkkámáksima rávvaga ráhkadeapmi ja meattáhusaid divvun

Gielddaráđđehus eavttuha čuovvovačča:

Bargoaddi ráhkada, beaivida ja dárkkista Skuvlla bargiid bálkkámáksima rávvaga. Rávvagii biddjo mielde eandalii ng. bálkkámáksima spiehkastatdilit, nugo buozalmasvuođajávkama ja áhpehisvuođa áiggi bálká. Rávvaga galgá mannat čađa olbmui, guhte vástida Skuvlla bálkááššiin.

Buot eahpečielggasvuođat, mat leat dál rabas dahje vejolaččat šaddet manjá, boasttuvuođat ja manjoneamit bálkkámáksimis čielggaduvvojit ja divvojuvvojit. Dárbbu mielde váldit oktavuoda bálkárehkenastii. Jus bálkkámáksimis leat váttisvuođat, galgá dákkár olbmo veahkehit dahje rávvat gos ohcat veahki dahje doarjaga ášši dikšumii.

c) Sierraoahpahusa ja oahppiid doarjaga ordnen

Gielddaráđđehus eavttuha čuovvovačča:

Bargoaddi gávnnaha, ahte Skuvlla oahppiid sierraoahpahusa ja doarjaga ordnedemiid plánen galgá dáhpáhuvvat ovttasráđiid erenomášpedagogain, vejolaš eará Skuvlla bargiiguin ja rektoriin. Erenomášpedagoga pláne sierraoahpahusa ja doarjaga ordnedemiid. Rektor nanne plánaid. Plánejuvvon doarjaga ordnedeamiit rievdaduvvojit dušše ákkaid vuodul.

Sierraoahpahusa ordnedemiid galgá gohcin ja sihkkarastit ovttasbarggu njuovžilvuoda.

d) Ráđđádallan- ja hálahangeavadiid čielggasmahttin

Gielddaráđdehus eavttuha čuovvovačča:

Bargoaddi čielggasmahtta Skuvlla ráđđádallan- ja hálahangeavadiid ja ráhkada, beaivida ja dárkkista rávvaga. Rávvagii čállojuvvo lassin:

- Ráđđádallanbovdehusas galgá almmuhit ráđđádallama fáttá. Almmuhuvvon fáddá galgá vástidit dan man birra ráđđádallo.
- Jus lea sáhka bargi hálahemis, dan ja spesifiserejuvvon ášši galgá almmuhit bovdehusas. Bovdehusa galgá sáddet dábálaččat unnimusat vahku ovdal.
- Olbmui, guhte hálahuvvo, galgá fállat vejolašvuoda ráhkkanit ja váldit doarjjaolbmo mielde dilálašvuhtii.

e) Ovddasvástádusaid ja rivttiid čielggasmahttin

Gielddaráđdehus eavttuha čuovvovačča:

Bargoaddi čielggasmahtta dárbbášlaš vugiin rektora ovddasvástádusaid ja rivttiid ja nuppe dáfus oahpaheaddjiin ovddasvástádusaid ja rivttiid. Ovddasvástádusain ja rivttiin ja ovddasvástádusa juohkimis ráhkaduvvojit čielga rávvagat. Rávvagiin bohtá ovdan earret eará ovddasvástádusaid juohkin YS-áiggi plánemis ja čuovvumis.

f) Oahpahusa resurssaid dárkon

Gielddaráđdehus eavttuha čuovvovačča:

Bargoaddi dárko Skuvlla oahpahusa resurssaid ja čielggada leatgo dat doarvái. Jus muhtin oahpahussuorggis gávnnahit resursaváilli, dat lasihuvvojit vejolašvuodaid mielde.

Bargoaddi čielggada ja fuolaha das ahte oahpaheaddjiin ja oahppiin leat dárbbášlaš bargoneavvut. Jus bargoneavvuin fuomášit váilevašvuodaid, dat galget skáhppojuvvot. Oahpaheaddjiide galgá sihkkarastit dárbbášlaš bargoneavvuid barggu várás.

g) Oktasaš doaibmanvugiid soahpan beaivválaš bargui

Skuvlla váttes bargovuoigŋa dihtii galgá čielggasmahttit ja deattuhit buohkaide oktasaš doaibmanvugiid árgabeaivvis. Dábálaš, beaivválaš gulahallama njunnálagaid galggašii árvvusatnit. Fuomášumi galgá giddet gulahallamii ja bargoguimmiiguin čábbát láhttemii. Dáid geažil gielddaráđdehus eavttuha ahte:

Bargoaddi ráhkada, beaivida dahje dárkkista dárbbášlaš viidodagas rávvagiid (ng. oktasaš njuolggadusaid) Skuvlla beaivválaš barggu doaibmanvugiin. Oktasaš njuolggadusat sáhttet sisttisoallat earret eará:

- Smávva, oanehis ja/dahje beaivválaš bargui gullevaš áššiid galggašii vejolašvuodaid mielde dikšut oassin beaivválaš ságastallama ja gulahallama sierra čoahkkimiid haga.
- Eará oktasaš njuolggadusat gulahallamii, bargoguimmiiguin meannudeapmái ja eará bargoárgga doaimmaide.

h) Eahpeáššálaš meannudeami hálddašeami rávvagat ja headušteamis almmuheapmi ja givssidan- ja headušstandáhpáhusaid giedahallan

Gielddaráđdehus eavttuha čuovvovačča:

Bargoaddi fuolaha ahte gieldda siskkáldas rávvagat eahpeáššálaš meannudeami hálddašeamis bohtet čielgasit olles Skuvlla bargiid dihtui ja olámuddui. Dárbbu mielde Bargoaddi ráhkada sierra ja giedahallama álkidahtti, gieldda siskkáldas skovvevuodu, mas headušteamis, givssideamis ja eará eahpeáššálaš meannudeamis sáhttá almmuhit iežas hovdii dahje su hovdii.

Bargoaddi buktá rávvagiin čielgasit ovdan ahte buot givssidemiid ja headuštemiid galgá giedahallat nu ahte gullat buot oassebeliid hoavdda dahje hoavdda hoavdda beales (gitta das gean doaimma almmuhus guoská). Buot dáhpáhusaid, mat leat givssidan- ja headuštanalmmuhusa vuodđun, galgá spesifiseret doarvái čielgasit, vai almmuhusa sáhttá giedahallat áššáigulleaččat. Almmuhusa giedahallamis galgá álo addit čielga, ákkastallojuvvon mearrádusa.

Loahppabohtosat

Váttes bargovuoigŋa lea ožžon áigái Skuvllas fuolastuhtti ja gierdemeahttun dili. Bargoaddi oaidnu lea, ahte ášši hárrái galgá álgit stuorat ja/dahje struktuvrralaš doaimmaide Skuvlla bargovuoigŋa ja buot bargiid bargoburesveadjima buorideapmin.

Bargoaddi gávnna oppalaččat ahte dat ii dohkket makkárga eahpeáššálaš láhttema dahje eará bargiid eahpeáššálaš meannudeami bargosajis. Bargoaddi gávnna, ahte Skuvlla bargoservoša buot oassebealit galggašedje figgat ovddidit ja

Gielddaráđđehus

§ 34

24.02.2026

áimmahuššat buori ja ustitlaš bargovuoŋŋa. Dát guoská sihke Skuvlla bargiid ja hoavddaid. Jus Bargoaddi oažžu dieđu ahte spesifiserejuvvon eahpeáššálaš meannudeapmi dahje láhtten dáhphuvvá Skuvllas dás ovddos gean beare bargi doaimmas, de Bargoaddi álggaha dárbblaš doaimmaid, maidái bargojodihan- ja rángundoaimmaide.

Skuvlla dili buorideapmin gieldda čuvgehuslávdegoddi ja buresveadjinhoavda ávžžuhuvvojit doaibmaválddi mielde hohpolaččat álggahit ovddabealde čuoggás *“Doaibmabijut, maidda Bargoaddi álgá bargovuoŋŋa buorideapmin”* čilgejuvvon doaimmaid.

Siidomateriála:

-Spesifiserejuvvon ákkastallamat (suollemassan oaivvilduvvon, láhka eiseválddi doaimma almmolašvuodas 621/1999 24 § 1 mom. 25 k., 30 k.)

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus mearrida ahte Skuvlla dili buorideapmin gieldda čuvgehuslávdegoddi ja buresveadjinhoavda ávžžuhuvvojit doaibmaválddi mielde hohpolaččat álggahit ovddabealde čuoggás *“Doaibmabijut, maidda Bargoaddi álgá bargovuoŋŋa buorideapmin”* čilgejuvvon doaimmaid.

Gielddaráđđehus doaimmaha dárbblaš lasseditieduid áššis čuvgehuslávdegoddái ja buresveadjinhovdii.

Mearrádus

Riikka Rasmussen almmuhii iežas leat easttalaš ášši gieđahallamii ja geassádii čeahkkimis ášši gieđahallama boddii.

Evttohus dohkkehuvvui.

Eallinfápmo- ja teknikkalaš lávdegoddi	§ 114	22.09.2025
Ovddidan- ja biraslávdegoddi	§ 20	18.02.2026
Gielddaráđđehus	§ 35	24.02.2026

Lassemearreruhta Ohcejoga vuojadanhálla sávnni, basadanlanja ja gárvodanlanja saneremii

ealteklg 22.09.2025 § 114

Válmmaštalli	Vd. giddodathoavda Päivi Kontio
	Ohcejoga gieldda teknikkalaš doaibma lea gilvalahtán Ohcejoga vuojadanhálla sávnni, basadanlanja ja gárvodanlanja vuodđodivodeami agoartan. Fálaldagaid sáhtá guoddit 21.9.2025 dii 16 rádjai.
Áššemeannudeaddji	vd. Giddodathoavda Kontio Päivi
Mearrádusevttohus	Mearreáigái bohte vihtta fálaldaga. A&A RakennusNord Oy fálaldaga berre hilgut, dasgo fálaldat ii leat fálaldatbivdaga mielásaš, dasgo dat ii sisttisdoala fálaldatbivddaskovis eaktuduvvon gáibádusaid deavdima ja dieđuid almmuheami. Lávdegoddi dohkkeha hatti ja kvalitehta oktiirehkenaston čuoggáid vuodul stuorámus čuoggáid ožžon Timberg Bygg & Renovering Oy fálaldaga, submi 152 000 euro (álv 0%) dainna eavttuin, ahte agoartaráđđádallamis/ fálaldaga sisdollui guoski ráđđádallamis eai boađe ovdan lassegoluid dárbbut ja fálaldat vástida agoartta sisdoalu. Fálaldat bissu investerenmearreruđa rámaid siste.
Mearrádus	Mearrádusevttohus dohkkehuvvui.

Ovbilg 18.02.2026 § 20

Válmmaštalli	Gielddainšenevra Kimmo Ankelo
	Agoartafálaldatbáhpáriid váilevuodaid geažil leat boahtán ovdan agortii gulakeahtes lassebarggut ja lávttasteknikkalaš riskkaid sihke easttahisvuoda geažil lea vealtameahttun dingot maid bargguid, mat gusket vuojadanhállii doalvu jođáhaga. Álgosaš agoartta ja ođđa viidodaga lassebargui dárbbášuvvo árvvu mielde 80 000 euro lassemearreruhta.
Áššemeannudeaddji	Vd ovddidanhoavda Kontio Päivi
Mearrádusevttohus	Lávdegoddi evttoha gielddaráđđehussii ja ain váldostivrii 80 000 euro lassemearreruđa.

Eallinfápmo- ja teknikalaš lávdegoddi	§ 114	22.09.2025
Ovddidan- ja biraslávdegoddi	§ 20	18.02.2026
Gielddaráđđehus	§ 35	24.02.2026

Mearrádus Kimmo Ankelo lei mielde čoahkkimis dán paragrafa gieđahallama áigge dii 17:10-17:19. Lávdegoddi mearrida evttohit gielddaráđđehussii ja ain váldostivrii 60 000 euro lassemearreruđa, mas oassi gokčojuvvo investerenplánii várrejuvvon pts-mearreruđain.

Gr 24.02.2026 § 35
94/10.03.02.00/2024

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha ja evttoha ain váldostivrii dohkkehanláhka 60.000 euro lassemearreruđa Ohcejoga vuojođanhálla sávnniid-, basadan- ja gárvodanlanjaid saneremii. Oassi lassemearreruđas gokčojuvvo investerenplánii várrejuvvon Kuntokorjaukset (PTS) mearreruđas.

Mearrádus Gielddainšenevra Kimmo Ankelo ovdanbuvttii ášši gielddaráđđehusa lahtuide.

Evttohus dohkkehuvvui.

Eallinfápmo- ja teknikalaš lávdegoddi	§ 107	22.09.2025
Ovddidan- ja biraslávdegoddi	§ 19	18.02.2026
Gielddaráđđehus	§ 36	24.02.2026

Teknikalaš doaimma bušeahttaárvalusnuppástus jahkái 2026

ealteklg 22.09.2025 § 107

Vd. giddodathoavda Päivi Kontio ovdanbuktá teknikalaš doaimma ekonomijja- ja doaibmaplána čoahkkimis.

Bušeahttaárvalus ja investerenprográmma siidomateriálan.

Áššemeannudeaddji	vd. Giddodathoavda Kontio Päivi
Mearrádusevttohus	Eallinfápmo- ja teknikalaš lávdegoddi dohkkeha teknikalaš doaimma bušeahttaárvalusa jahkái 2026 ja investerenprográmma jagiide 2026-2028 ja evttoha daid ain váldostivrii dohkkehanláhkai.
Mearrádus	Vuokko Tieva-Niittyvuopio lei eret dán paragrafa gieđahallama áigge dmu 15:42-15:58. Mearrádusevttohus dohkkehuvvui.

Ovbilg 18.02.2026 § 19

Teknikalaš doaimma jagi 2026 bušeahttaárvalusas eai leat váldon vuhtii boadut eaige manut daid viesuid oasil, mat vejolaččat sirdásit Utsjoen Hyvinvointikiinteistöt Oy:i. Dát giddodagat leat Ohcejoga dearvvvasvuodaguovddáš ml. Seitakartano ja ássanbálvalusovttadat Dorvu, Ohcejoga boares dearvvvasvuodadállu, Njuorggáma buollinstašuvdna ja Gáregasnjárgga hállat. Láigoráđđádallamat Lappi buresveadjinguovlluin leat ain gaskan ja daid ovdánanáigetávval ii leat dieđus gielddas sorjjasmeahttun sivaidd geažil. Gielddas ii leat maid dahkkon vel mearrádus sirdinláhkai giddodagaid oasil, dasgo omd. gádjundoaimma giddodagaid oasil lea galgan čielggadit duogášáššiid. Teknikalaš doaibma lea konsulteren BDO áššedovdiid, geat leamašan mielde dán fitnodahkanrievdadanproseassas, ja bohtán dan bohtosii, ahte dán muttus livččii lunddolaš bissehit proseassa muhtun áigái. Fitnodatdoaimma álggaheami livččii ná jierpmálamos sirdit 1.1.2027. Fitnodahkanrievdadangeatnegasvuohta guoská gieldda, muhto go fitnodat lea goit vuodđuduvvon, de ášši lea gielddas ovddiduvvon ja danin dán "áigelasis" eai galggaše gildii šaddat sankšuvnnat.

Áššemeannudeaddji	Vd ovddidanhoavda Kontio Päivi
-------------------	--------------------------------

Eallinfápmo- ja teknikalaš láv- § 107
degoddi
Ovddidan- ja biraslávdegoddi § 19
Gielddaráđđehus § 36

22.09.2025

18.02.2026

24.02.2026

Mearrádusevttohus Lávdegoddi dohkkeha teknikalaš doaimma, goasttádusbáikki 1715200002/Giddodagat oasil jagi 2026 bušeahttaárvalusnuppástusa ja evttoha dan ain gielddaráđđehussii ja váldostivrii dohkkehanláhka. Bušeahttaárvalusnuppástus siidomateriálan.

Mearrádus Mearrádusevttohus dohkkehuvvui.

Gr 24.02.2026 § 36
149/02.02.00/2025

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha ja evttoha ain váldostivrii dohkkehanláhka teknikalaš doaimma bušeahtanuppástusa rehkjetárvoštallama mielde, mii lea siidomateriálan.

Mearrádus Evttohus dohkkehuvvui.

Čuvgehuslávdegoddi	§ 82	30.09.2025
Čuvgehuslávdegoddi	§ 9	19.02.2026
Gielddaráđdehus	§ 37	24.02.2026

Sámegielaide gáiddusoahpahusprošeakta 2025-2027

Čuvglg 30.09.2025 § 82

Oahpahus- ja kulturministeriija lea juolludan doarjaga Ohcejoga gieldda ja Sámedikki oktasaš, Ohcejoga gieldda hálddašan Sámegiela gáiddusoktavuođaid geavaheaddji oahpahusa pilohtaprošeavtta joatkimii áigodahkii 1.6.2025-31.7.2027. Doarjja lea dán rádjái ohccojuvvon juohke jagi, dál dasa lea juolluduvvon ruhta guovtti jahkái hávil. Doarjjasubmi lea 750.000 euro. Prošeakta dahká vejolažžan sámegielaide gáiddusoahpahusa sámeguovllu olggobealde.

Prošeavtta doarjjaproseanta lea 90 ja iežasvástuoasis vástidit Sámediggi ja Ohcejoga giela. Prošeavtta golloluoitu lea 833.333,34 euro. Iežasruhtadanoassi gokčojuvvo oahpahusmávssuin (42.000 euro) ja Sámedikki fásta bargiid bargoboađusin ja oahppamateriálain (41.333,34 euro) prošeaktii.

Sámediggái sirdojuvvon doarjaga oassi lea eanemustá 144.200 euro, mii gokčá ee. bálkáhuvvon prošeaktakoordináhtora goluid. Ohcejoga gieldda oassi doarjagis lea 605.800 euro, mainna gokčet lagamustá oahpaheaddjiid ja prošeaktajođiheaddji goluid. Lassin gildii bohtet bohtun oahpahusmávssut 42.000 euro, mainna gokčojuvvo loahppaoassi Ohcejoga gieldda prošeaktagolui.

Ohcejoga gieldda oassi prošeavttas:

	Jahki 2027	Jahki 2025	Jahki 2026
Manut	146.000 €	323.900 €	177.900 €
Boađut	146.000 €	323.900 €	177.900 €
Netto	0 €	0 €	0 €

Áššemeannudeaddji Buresveadjinhoavda Seurujärvi Pirjo

Mearrádusevttohus Čuvgehuslávdegoddi evttoha gielddaráđdehussii ja ain váldostivrii :

1. lassemearreruđa juolludeami Sámegielaide gáiddusoahpahusprošeaktii 1.6.2025-31.7.2027 válmmaštallama mielde jahkái 2025,
2. jagiid 2026 ja 2027 várás prošeakta váldojuvvo vuhtii bušehta ráhkadeamis.
3. prošeavtta prošeaktahoavdda virgi áigodahkii 1.8.2026-31.7.2027 2026 almmuhuvvo ohcan láhkai manimustá cuoŋománu 2026.

Čuvgehuslávdegoddi	§ 82	30.09.2025
Čuvgehuslávdegoddi	§ 9	19.02.2026
Gielddaráđđehus	§ 37	24.02.2026

Mearrádus Mearrádus evttohusa mielde.

Čuvlg 19.02.2026
159/12.00.03/2025

Sámegielaide gáiddusoahpahusa pilohttaprošeavtta joatkagii 1.6.2025-31.7.2027 áigodahkii dahkkon bušeahttaárvalusas lei báhcán Sámedikki oassi prošeavttas 144.200 euro vuhtiiválddekeahtá boaduid ja manuid oasil jagis 2026. Jahki 2025 lea divvojuvvon ollašuvvama mielde.

Prošeavtta ollesboadut ja manut leat:

	Jahki 2025	Jahki 2026	Jahki 2027
Manut	140.446 €	470.818 €	180.736 €
Boadut	140.446 €	470.818 €	180.736 €
Netto	0 €	0 €	0 €

Áššemeannudeaddji Buresveadjinhoavda Seurujärvi Pirjo

Mearrádusevttohus Čuvgehuslávdegoddi evttoha gielddaráđđehussii ja ain váldostivrii dohkkehanláhkai divvojuvvon bušeahttaárvalusa jahkái 2026.

Mearrádus Mearrádus evttohusa mielde.

Gr 24.02.2026 § 37
159/12.00.03/2025

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha ja evttoha ain váldostivrii dohkkehanláhkai Sámegielaid gáiddusoahpahusfitnu 2025-2027 divvojuvvon bušeahta jahkái 2026.

Mearrádus Evttohus dohkkehuvvui.

Čuvgehuslávdegoddi
Gielddaráđđehus

§ 10
§ 38

19.02.2026
24.02.2026

Lihkadanrávvven 2026

Čuvglđg 19.02.2026 § 10

Válmmaštalli

Asttuáiggekoordináhtor Kaisa Tapiola-Länsman

Asttuáiggedoaibma lea ožžon Lohpe- ja gohcindoaimmahagas stáhtadoarjaga lihkadanbagadallama ollašuhttima várás 24000 euro. Doarjaga vehkiin lea oaivil ollašuhttit lihkadanbagadallama Ohcejogas, Gáregasnjárggas ja Njuorggámis. Veahkkeruhta gokčá prošeavtta goluin eanemustá 60 % ja gieldda iežasruhtadeapmi galgá leat unnimustá 40 %, nappo 16 000 euro.

Prošeavtta golloárvvoštallan lea 40 000 euro, gieldda iežasruhtadeapmi lea 16 000 euro.

	Jahki 2026
Boađut	24 000 e
Manut	40 000 e
Netto	16 000 e

Áššemeannudeaddji

Buresveadjinhoavda Seurujärvi Pirjo

Mearrádusevttohus

Čuvgehuslávdegoddi evttoha gielddaráđđehussii ja ain váldostivrii:

1. lassemearreruđa juolludeami lihkadanbagadallamii válmmaštallama mielde jahkái 2026,
2. Miedihit prošeaktii álggahanlobi ja prošeaktii vuodđuduvvo goastádusbáiki.
3. váldostivra dohkkeha, ahte prošeavtta iežasvástuoassi 16 000 euro sirdojuvvo lihkadandoaimma bušeahttaárvalusa bálkágoluin prošeaktii.

Mearrádus

Gr 24.02.2026 § 38
17/00.01.05/2026

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha ja evttoha ain váldostivrii dohkkehanláhkai:

1. lassemearreruđa juolludeami lihkadanbagadallamii válmmaštallama mielde jahkái 2026
2. gieldda ruhtadanoasi 16 000 euro sirdima lihkadandoaimma bušeahttaárvalusa bálkágoluin prošeaktii.

Čuvgehuslávdegoddi
Gielddaráđdehus

§ 10
§ 38

19.02.2026
24.02.2026

Mearrádus

Evttohus dohkkehuvvui.

Gielddaráđdehus

§ 39

24.02.2026

Áššedovdilahttovuohta Duortnusleagi ráđi prošeavttas, mii guoská johtima rájaid rastá

Gr 24.02.2026 § 39

21/00.01.05/2026

Tornionlaakson neuvosto (sá. Duortnusleagi ráđđi) válmmaštallá Interreg Aurora prošeaktaohcamuša mii guoská rájaid rasttildeaddji johtima. Prošeavttas leat mielde Duortnusleagi ráđi lassin anjke Lapin AMK, Lappia, Lappi eallinfápmoguovddáš ja Rajaneuvonta Ruotsi-Suomi-Norja.

Prošeavtta bargopáhkát gieđahallet ee. rájaid rasttildeaddji statistihkaid ráhkadeami, vearuhansoahpamuša ja bargiid johtima ja rájaid rasttildeaddji studerema. Prošeavtta ulbmilin lea buvttadit áigeguovdilis dieđu ja konkrehtalaš doaibmaevttohusaid guovllu ovdduidgohcima doarjjan.

Tornionlaakson neuvosto gulaskuddá livččiigo Ohcejoga gielda beroštuvvan searvat prošeaktii áššedovdilahttun Suoma ja Norgga gaskasaš bargofámu johtimis. Prošeaktii searvan ii gáibit gielddas oassálastima ruđalaččat.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus mearrida, ahte Ohcejoga gielda vuolgá áššedovdilahttun mielde prošeaktii.

Mearrádus

Evvttohus dohkkehuvvui.

Gielddaráđdehus

§ 40

24.02.2026

Lohpe- ja gohcindoaimmahaga nammadanbivdda, Lappi bázahusfuolahusa ovttasbargojoavkku lahttu ja várrelahttu

Gr 24.02.2026 § 40
20/00.04.01/2026

Lohpe- ja gohcindoaimmahat (su. Lupa- ja valvontavirasto) koordinere doaibmanguovllustis bázahuslága (646/2011) 88 § eaktudan guvllolaš ovttasbargojoavkku.

Bázahuslága mielde ovttasbargojoavkku guovddáš bargun lea ovddidit riikkaviidosaš bázahusplána ollašuhttima ja gohcit ollašuvvama. Dat galgá maiddá čohket ja doaimmahit birasministerijai riikkaviidosaš bázahusplána válmmaštallama dahje dan dárkkisteami várás dárbblaš dieđuid guovlluid bázahusgieđahallankapasitehtas, bázahusfuolahusa ordnemis ja bázahusfuolahusa ovddidandárbbuin. Dan lassin ovttasbargojoavkkus gieđahallet bázahuslága guovddáš nuppástusaid ja bázahusfuolahussektora áigeguovdilis áššiid.

Guovlluviidosaš ovttasbargojoavku lea vuodđuduvvon Lohpe- ja gohcindoaimmahaga doaibmanguovllu gielddaid, guovlluhálddašaneiseválddiid, doaimmahárjeheddiid, foanddaid ja servviid ovddasteaddjiin.

Lohpe- ja gohcindoaimmahat bivdá gieldda nammadit aitosas lahtu ja vejolašvuodaid mielde várrelahtu Lappi bázahusfuolahusa ovttasbargojovkui.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus nammada lahtu ja várrelahtu Lappi bázahusfuolahusa ovttasbargojovkui.

Mearrádus

Eemeli Hekkanen evttohi, ahte lahttun nammaduvvo Oskari Kontio ja várrelahtun Aulis Nordberg. Evttohus dohkkehuvvui ovtamielalaččat.

Čuvgehuslávdegoddi
Gielddaráđđehus

§ 11
§ 41

19.02.2026
24.02.2026

Gáregasnjárgga skuvlla nammadeapmi Ándaras Kitti skuvlan

Čuvglđg 19.02.2026 § 11

Válmmaštalli

Rektor Laura Niittyvuopio-Valle

Jahki 2026 lea Ohcejoga gildii erenomáš ávvudan- ja mearkajahki. Gielddas lea 150-ávvudanjahki, ja seamma jagi lea gollan 100 jagi Ándaras Kitti jápmimis. Ávvudanjahki ja mearkajahki fáallet lunddolaš ja mávssolaš duogáža loktet ovdan báikkálašhistorjjálaččat ja kultuvrralaččat mearkkašahtti olbmuid.

Ándaras Kitti (19.2.1844—17.3.1926) Ohcejoga Vuovdaguoikkas lei okta dehálamos Samuli Paulaharju álbmotdieđalaš dutkamuša áššedovdigálduin sámeguovllus. Kitti namalassii attii dutkamušaide vuođu sámi nástealmmi čielggadallamiin. Su nama seailuheapmi ja oinnolažžan dahkan oassin árgga struktuvrraid doarju kulturárbbi sirdima ođđa sohka buolvvaide.

Ávvudanjagi gudnin evttohuvvo, ahte Gáregasnjárgga skuvla nammaduvvo Ándaras Kitti skuvlan.

Nammadeapmi nanne skuvlla rolla sámekultuvrra ja báikkálašhistorjjá geađgejuolgin ja buktá ovdan Gáregasnjárgga guovllu iežas historjjá ja mearkkašahtti olbmuid. Nammadeapmi doarju maid Ohcejoga gieldda ávvudanjagi mihttomeriid ja lea linnjás maid gieldda ovddit nammageavadiiguin (Pedar Jalvi – váldogirjeráđju Ohcejoga girkosiiddas).

Namari evdadeapmi lea symbolalaš iige dagat mearkkašahtti ekonomalaš lassegoluid. Nama sáhtta váldit atnui plánejuvvon vuogi mielde ovdamearkka dihte ávvudanjagi áigge, seammás nu ahte dasa laktojuvvo bajásgeassima guoski ja pedagogalaš sisdoallu (temát, projeavttat, dáhpáhusat).

Áššemeannudeaddji

Buresveadjinhoavda Seurujärvi Pirjo

Mearrádusevttohus

Čuvgehuslávdegoddi mearrida, ahte Gáregasnjárgga skuvla nammaduvvo Ándaras Kitti skuvlan, ja ahte nama atnuiváldináigi heivehuvvo Ohcejoga 150-ávvudanjagi oktavuhtii.

Čuvgehuslávdegoddi
Gielddaráđđehus

§ 11
§ 41

19.02.2026
24.02.2026

Rievdaduvvon
mearrádusevttohus

Čuvgehuslávdegoddi evttoha gielddaráđđehussii ja ain váldostivrii Gáregasnjárgga skuvlla ođđasit nammadeami.

Mearrádus

Čuvgehuslávdegoddi evttoha gielddaráđđehussii ja ain váldostivrii dohkkehanláhkai ahte Gáregasnjárgga skuvla nammaduvvo Ándaras Kitti skuvlan, ja ahte namma lea anus Ohcejoga 150-ávvujagi oktavuodas.

Gr 24.02.2026 § 41
18/12.00.04/2026

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha ja evttoha ain váldostivrii dohkkehanláhkai ahte Gáregasnjárgga skuvla nammaduvvo Ándaras Kitti skuvlan, ja ahte namma lea anus Ohcejoga 150-ávvujagi oktavuodas.

Mearrádus

Evttohus dohkkehuvvui.

Nuppástusohcanráva guoská paragrafaid: § 22, § 23, § 24, § 25, § 26, § 28, § 29, § 30, § 31, § 32, § 33, § 34, § 35, § 36, § 37, § 38, § 41

NUPPÁSTUSOHCANGIELDU

Dán mearrádusas ii oaččo dahkat vuigengáibádusa iige gielddaváidaga, dasgo mearrádus guoská

- gielдалáга 136 § mielde dušše válmmaštallama dahje ollašuhhtima
- bargo- dahje virgeeaktosoahpamuša dulkoma, heiveheami
- bargojodihan- ja bearráigeahččanvuoigatvuodá geavaheami

Nuppástusohcanráva guoská paragrafaid: § 27, § 39, § 40

VUIGENGÁIBÁDUSRÁVVAGAT

Dán mearrádussii duhtameahttun olmmoš sáhttá dahkat čálalaš vuigengáibádusa. Mearrádussii ii oaččo ohcat nuppástusa duopmostullui váidimiin.

Vuigengáibádusvuoigatvuohta

Vuigengáibádusa oažžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha (*áššáiosolaš*), ja lassin
- gieldda lahttu.

Vuigengáibádusáigi

Vuigengáibádusa galgá dahkat 14 beaivve siste das, go lea ožžon mearrádusa diehtun.

Vuigengáibádusa galgá doaimmahit Ohcejoga gieldda registrerenkantuvrii mearreáiggi manimus beaivve ovdal go registrerenkantuvra giddejuvvo.

Gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Go geavahuvvo dábálaš elektrovnnalaš diehtunaddin, de gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Gehččojuvvo, ahte *gieldda lahttu* lea ožžon mearrádusas dieđu čieža beaivve geažes das, go beavdegirji lea leamašan oaidninláhkai almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos njulgengáibádusáiggi manimus beaivi lea iehčanasvuođabeaivi, válborbeaivi, juovla- dahje jonssotruohtta dahje árgalávvardat, de njulgengáibádusa oažžu doaimmahit vuosttas árgabeaivve dan manjá.

Vuigengáibáduseiseváldi

Eiseváldi, gosa vuigengáibádus dahkkojuvvo, lea Ohcejoga gielddaráđdehus.

Registrerenkantuvrra oktavuodadieđut:

Poastačujuhus:	PL 41, 99981 UTSJOKI
Uksačujuhus:	Luossa 1 a, 99980 OHCEJOHKA
E-poasta:	kunnanvirasto@utsjoki.fi
Telefonnummir:	+358 40 188 6111

Registrerenkantuvra lea rabas vuossárggas bearjadahkii dii. 9.00 – 15.00.

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádusa, masa ohcá vuigema
- man láhkai mearrádusa galgá vuiget
- maiguin ákkaiguin gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusmearrádusa sáhhtá addit diehtun elektrovnnalaš diehtun, de bivdit almmuhit oktavuođadiehtun maiddái e-boastačujuhusa.

Beavdegirji

Mearrádusa guoskevaš beavdegirjji váldosiid ja mildosiid sáhhtá bivdit Ohcejoga gieldda registrerenkantuvrras.

Beavdegirji lea 3.3.2026 biddjon albmosii almmolaš diehtofierpmádahkii čujuhussii www.utsjoki.fi.